



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

De S. Augustino.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

DE SANCTO AUGUSTINO. 28. Aug.

PUNCTUM PRIMUM.

GRatiæ resistit. i. triplici peccati genere, errore Manichæorum, impuris amoribus, inani improborum hominum respectu, cùm *pudebat inter impudentes non esse impudentem.* Resistit gratiæ. 1. Peccatis. 2. Mora conversionis.

2. Tergiversatione multorum annorum; quantumvis instarent & Monica mater adhortationibus, exemplis, lacrimis, sacrisque apud Deum precibus; & Ambrosius concionibus atque colloquiis; & creberrimis vehementissimisque motionibus gratia. Hic pravæ consuetudinis vim cogita & fuge. *Suspirabam, inquit, Libr. ligatus non ferro alieno, sed mea ferrea voluntate. Conf. Retinebant nuga nugarum & succutiebant vestem meam carneam, & submurmurabant: Dimittisne nos? O abyssum divinæ misericordiæ infinitam! Eandem in te admirare, & time. Neque enim omnes Augustini sunt, hoc est non similiter Dei gloriæ & Ecclesiæ, si convertantur, profuturi.*

PUNCTUM II.

TAndem gratiæ subiicitur. i. Promptè: ubi subicitur *audivit hanc vocem, Tolle, lege; legit illico locum Apostoli. Non in comessationibus &c. statimque mutatus est in virum alium. Vide ut promptè riter sine mora gratiæ vocanti pareas. Actum 1. Reg. erat 10. 6.*

2. **Plenè.** erat de Augustino, si ultra distulisset. 2. Plenè: errores, Christianæ fidei confessione; carnales affectus vitæ austeritate; inanes respectus publica virtutum professione emendans. 3. Perfectè, ardentissimo ac tenerrimo Dei amore: sic enim amores impuros sanctissimè compensavit. *Sero te amavi pulcritudo tam antiqua & tam nova! Non dubia, sed certa conscientia amo te, Domine.* Quam multi cum Augustino peccant! Quam pauci cum eo penitus convertuntur! Si vis divino amore liquefcere, lege ejus Confessiones, Soliloquia, Meditationes.

PUNCTUM III.

- Gratiæ subiicit. 1. **G**RATIÆ subjecit Hæreticos scriptis & disputationibus doctissimis, maximè Manichæos, Donatistas & Pelagianos. 2. Catholicos frequentissimis concionibus, colloquiis, exemplis, publicæque vitiorum suorum & divinæ in se gratiæ professione, quæ insigni humilitate libris Confessionum palam esse voluit. 3. Clericos reformatione Ecclesiasticæ disciplinæ: quam in rem inter cetera Clericorum Regularium Monasterium in Episcopali domo extruxit. 4. Religiosos, quorum & ipse familiam instituit, quæ utilissimè & sanctissimè propagata est, multis Religiosorum Ordinibus eandem Augustini regulam observantibus. 5. Ecclesiam universam, quam librorum suorum multitudine, eruditione, ac pietate mirificè illustravit hætenus, illustrabitque semper.
1. **Hæreticos.**
2. **Catholicos.**
3. **Clericos.**
4. **Religiosos.**
5. **Ecclesiam universam.**
Ad. 9. 6.

per. Tu verò quid Deo & gratiæ rependis, cui tantum debes? *Domine, quid me vis facere.*

DE EXALTATIONE
S. CRUCIS

14. Sept.

De crucifixione Christi. Ioan. 12.

PUNCTUM PRIMUM.

D*ixit Iesus turbis. Nunc iudicium est mundi, nunc Princeps huius mundi eiicietur foras, & ego si exaltatus fuero à terra, omnia traham ad me ipsum.* Considera summam sapientiam & potentiam Dei, quod eare, qua nihil erat contemptius & infirmius mundo, nempe patibulo crucis, omnem potentiam diaboli principis mundi, id est, peccatorum fregerit, & mundum totum à peccato & faucibus inferni & diaboli vindicaverit, id est, iudicando liberaverit: ut discas humilitate & contemptu sui omnes tentationes dæmonis & mundi frangi. 2. Considera tantum esse beneficium nobis præstitum per exaltationem Christi in crucem & mortem, tantamque charitatem demonstratam, ut non modò allici, sed etiam trahi quodammodo, licet inviti, in eius amorem debeamus. Et tanta est vis passionis, si serio perpendatur, ut non tam moveat, quam impellat hominem peccatorem ad conversionem, & pœnitentiam, ac mortem etiam, dum opus est, ut accidit martyribus, libenti animo perferendam.

Cruce.
1.
Mundus
victus.

2.
Trahi-
mur ad
Deum.

PUN-